



Universitätsbibliothek Paderborn

Exemplorvm Libri Tres

Liber Secvndvs, Siue Exempla, In Septem Capitalivm Vitiorvm
Detestationem, Per Qvadragesimam, Anno M. DC. XLVI. narrata

Stengel, Georg

Ingolstadii, 1650

§. 4. Gulæ vitium, species & damna

[urn:nbn:de:hbz:466:1-48186](#)

vitia superauerunt, periclitantur, ne tanquam viatores superbiant.

Quis vestrum, ait Seruator, habens seruum erantem aut pascentem, qui Luc. 17. 7.

regresso de agro dicat illi: Statim transi, recumbe: & non dicat ei: Para quod cœnem, & præcinge te, & ministra mihi, donec manducem & bibam, & post hæc tu manducabis & bipes? Nunquid gratiam habet seruo illi, quia fecit, quæ ei imperauerat? Non puto. Sic & vos, cùm feceritis omnia, quæ præcepta sunt vobis, dicite: servi inutiles sumus, quod debuimus facere, fecimus. Ita quidem sentire, ita loqui deberent Dei servi; si tamen eos cadere permittat benignus Dominus, dat cum tentatione prouentum, ut, quod de Antæo ferunt, fortiores surgant, postquam ceciderunt. Vidi, inquit B. Climacus, & feliciores existi-

*Ioan. Climac.
manū, qui post lapsum ita lugent, quām qui nunquam lapsi sunt, & seipso*

grad. 5.

sic non deflent. Ut ergo Zosimas quoque intelligeret, quām longè alij eo sanctiores essent, atque inde in sui contemtu crescerent, superbè de se cogitanti radiosus de cœlo Angelus astitit, hisque eum verbis est affatus: Certasti, ô Zosima, diu heroicè, sed viator vietus es. Ergo ut agnoscas, quantum tibi adhuc desit de illa virtutum perfectione, quam aly complures obtinuerunt, egredere de terra & de cognatione tua, Gen. 12.

atque ad cœnobium, Iordani ad situm proficiscere. Audijt, fecit, suscep-

*ptus est, vidit abstinentiam, vigilias, orationes, charitatem mu-
tuam, silentium tantum, ut nuquam, nisi cum Deo, aut de Deo,
ascetæ illi loquerentur. Ob quam rem, in Paradisum, aut ipsum
cœlum, vel ad Angelos certè in terris versantes, arbitratus est se
peruenisse, à quorum cœlesti exemplo in schola virtutum eruditur.
Quanquam non erat hic ultimus scopus, ob quem Zosimas
iussus est de monasterio egredi, in quo fuerat educatus. Adhuc lon-
ga illi, & grandis restabat via; quæ non sine diuerticulo à nobis est
perseveranda.*

Itaque audite, ventres, helluones, edones, gurgites, abiecta in pastum mancipia, & obstupecsite. Quid de duobus debitoribus censeretis, quorum unus denario, alter mille talentis obstrictus, ille mille talenta, iste vix denarium solueret, et si soluendo esset? Idem de vobis iudicatore. Maximi peccatores sunt maximi debitores, & plerumque etiam minimi solutores; neque tantum pro mille, peccatis volunt satisfacere, quantum faciunt sancti pro vnica leuissimæ etiam culpæ offenditione. Qui pleni sunt iniquitate, impie-

IV.
GVLAE VI-
TIVM, SPE-
CIES, ET DAM-
NA.

tate, blasphemis, vindictis, furtis, detractionibus, impuritate, illis nimis grauis ac diurna est Quadragesima; aiunt se dormire non posse, si non coenent; in morbos cadere, nisi carnis vescantur: totos dies versantur in popinis, totas noctes comburunt in poculis; & patrimonia degulant: adeo ut multi, praे continua ebrietate, nunquam sentiant se esurire. Multi etiam idcirco se se inebriant, ut conscientiae stimulus; ob flagitia sua, fodiocantes sopiant, aut saltem ad aliquot horas tranquillent. Hi parati sunt, ne peccatorum onere grauentur, onera alia adjicere; ac ne delectationem in gustu omittant, contra diuinæ humanasque leges agere, atque Dei gratiam amittere. Non dicam, esse aliquos adeo vecordes, ut ipsa sua pia alioquin opera, intemperantijs contaminent, exercitiumq; virtutis temulentiâ inficiant. Nam quando vel pœnitentiæ rigore, & sanguine facto, quod deliquerunt, volunt extinguere, quando flagellis in terga, & peccata sua sieire, nonnulli prius vino intemperantissime hausto, se muniunt, itaq; stupidos redundunt, ut praे ebrietate iectus flagrorum non persentificant, & fortasse aliquando nesciant, asinumne, an hominem Deo maestent. Longè aliter Christus pro nobis satisfecit, qui per totos quadraginta dies & noctes, nihil omnino neque cibi, neque potus attigit: quin ipsa etiam in cruce, atq; ardentissima, ob effusi tanti sanguinis copiam, siti & ariditate positus oblatum sibi vinum, cum gustasset, noluit bibere. Certè, si gula est immoderata cupiditas delectabilium secundum gustum, seu cibi ac potus inordinatus appetitus; ut è D. Gregorio

Matth. 27. 34.

S. Tom. 2. 2.
q. 148. a. 1.
S. Gregor.
lib. 39. Mor.
c. 27. & l. 31.
cap. 31.
1. Reg. 14.
Num. 11. 4.

S. Thomas docet, gula nos oppugnat & quoad modum, & quoad rem gustandam. In modo, si tempus non seruatur, aut si non refrænatur auiditas: in re, si exceditur in quantitate, pretio, aut præparatione. Itaque quinque vijs nos Gula vitium innudit. 1. Quando indigentia tempora præsenit, maximè diebus jejunij, ut Ionathā filiū Saulis, quem adegit ad mel delibandum, iejunij tempore nondum transacto, & alios ventri obedientes, qui quia quandocunque, aut vbiunque pabulum inueniunt, instar Harpyiarum inuolant, ideo animalium, non hominum numero computantur. Apud quos venter præcepta non audit, poscit, & appellat nulla non hora. 2. Si cibos, vel potus lautiores quarit, ut Israëlitæ; aut vetitos, ut carnem in quadragesima, vel die Veneris & Sabbathi. De lautè coenantibus,

tibus, Et quibus in solo viuendi causa palato est, porrò ita queritur. Iuueni sat. i
Poëta: Interea gustus elementa per omnia quarunt;

Nunquam animo pretijs obstantibus, interius si
Attendas, magis illa inuant, qua pluris emuntur.

Sic deficiente crumena, Et crescente gula, dum notæ iam nauseantur,
& inamarescunt epulæ, dum Louis lac aut cerebrum, dum mellis
medulla queritur.,

Ingeniosa gula est, Siculo scarus aquore mersus
Ad mensam viuus perducitur, atque Lucrinis
Eruta litoribus vendunt conchylia cœnas,
Vt renouent per damna famem. Iam Phasidis vnda
Orbata est auibus, mutoq; in littore tantum
Sole desertis aspirant frondibus aura.
Ah miseri! quos nosse inuat, quid Phasidis ales,
Distet ab hiberna Rhodopes grue: quis magis anser
Exta ferat? cur Tuscus aper generosior Vmbro:
Labrica qua recubent conchylia mollius alga?

Petroni Arb:
in Satyr.

Stat. lib. 4.

Lucan. lib. 4.

Luxuries, nunquam paruo contenta paratu!

3. Gula præsto est, quando ea, quæ sumenda sunt, aliquis præparari 1. Reg. 2.
accuratiū appetit, vt filij Heli. Superflitosum quidam nimis, in suis Hugo in
præparandis cibis, adhibent studium, infinita decoctionum, frixurarum,
& condimentorum genera excogitantes ait Hugo, modo mollia, modo
dura, modo frigida, modo calida; modo cocta, modo assa; modo pipere,
modo allio; modo cymino, modo sale condita, secundum consuetudinem
pregnantium mulierum desiderantes, ita quod sibi desudant coquorum ar-
tes, & fiunt varie questiones, utrum fieri debeant assata, vel frixa, vel
elixia; & tanta sollicitudine præparantur, vt devoratis quatuor vel quin-
que ferculis, prima non impediant nouissima. Et cum iam stomachus
crebris eructibus repletum se indicat, nondum tamen curiositas satiatur.
Isti videntur colere ventrem, tanquam Deum. Et quia solent Diis tem-
pla construi, altaria erigi, ministri ad seruendum ordinari, immolari pe-
cudes, thura concremari: Deo ventri templum est coquina; altare mensa;
ministri coqui; immolata pecudes, cocta carnes; fumus incensorum, ordo
saporum. 4. Et illa gulæ præclara est species, quando in ipsa quan-
titate sumendi mensuram moderata refectionis excedit, vt Sodomitæ Ezech. 25. 49.
fecerunt.

O

fecerunt. Vna silua pluribus elephantibus sufficit: homo vero pa-
 Plutarch. I. i. scitur vix terra & mari. Fuit Heraclides pugil, teste Plutarcho, in-
 Coniuu qq. finiti prope cibi potusque capax: non reperiebatur illi compar in-
 Athenæ lib. potando. Apud Athenæum, Amaranthus Alexandrinus scribit,
 10. cap. i. Herodotum tubicinem Megarensem magnitudinis fuisse trium vi-
 larum cum dimidio, lateraque fortia habuisse, ac sex panis semodios
 edisse, carnium libras viginti, binos vini congios ex argenteo non
 tam scypho, quam puteo bibisse. Sed magno ventri, magno opus
 erat pabulo; minusque est mirum, si Polypheo una in cænam
 ouis, & duo vini utres non suffecerunt. Flauius Vopiscus memorat,
 Phagonem quendam Aureliano in delicijs fuisse, qui uno die, ad
 mensam Imperatoris, ederit aprum integrum, centum panes, ver-
 uecem & porcellum; biberit autem infundibulo ori apposito plus
 orca.

Iuuenal.
Sat. I.

Quis ferat istas

*Luxuria fôrdes? quanta est gula, quæ sibi totos
Ponit apros?*

immò sumit, & consumit? Si tamen consumit, & non potius oc-
 cedit. Ne enim turgeas, aut ne crudus fias. *Buccæ Noscenda est men-*
 Gen. 25. 33. *suratae.* 5. Sævit gula, quando & abiectius est, quod desiderat, &
 tamen ipso æstu immensi desiderij deterius peccat, vt Esau, & innumeri.
 Si ergo his quinque modis gula delinquit, quam multi sunt, qui vix
 manè surgunt, & à lecto adhuc calidi, statim ad offas currunt, sta-
 tim absinthiacum, statim vinum sublimatum, vel, si hæc inopia
 neget, statim ad cereuisiam appellant? Quotus quisque, expectat
 prandij tempus? quotusquisque non consumit plures horas voran-
 do, quam orando? Ipsi paruuli assuescunt ab incunabulis, toto die
 panem, pomum, saccharum, aut alia opsonia in manu circumfer-
 re, ac obrodere; ad hoc illis facci & buccæ implentur; ad hoc ne-
 minem volunt salutare, nisi crustula accipient, aut melimela, qui-
 bus eos parentes assuefaciunt, immemores Anacreontem Teium-
 vuæ passæ acino strangulatum; aut saltæ his talibus palatum ex-
 surdari. Certè multi etiam opifices, ita delitijs se se assuefecere, vt
 si quid boni ac rari in forum venit, illud per vxores præstinere.
 Quidam, in debitibus usque ad aures demersi, male vestiti, nullam su-
 pra ædes integrum tegulam, nullum in fenestrâ integrum vitreum
 orbiculum habentes, quam primùm aliquot numulos lucrantur,
 illico

Politianus in
Nutricia.

illico in forum mittunt vxorem, aut ancillam, & pullos, gallinas, nefrendes, aues emi curant, vt pecuniam, velut hostem, citò è domo amoliantur. Hi, uno die, ait S. Ambrosius, multorum dierum labores bibunt, & comedunt; nimis parum de crastino, de liberis, de familia sua solliciti. Quin sæpe, apud vnum proletarium, & in plebeia domo, plus piperis & condimentorum absumitur, quam apud multos opulentos, qui abstinere nōrunt, quia nolunt egere. Quanquam necisti sunt admodum multi. Hac pestilentia, ait Alanus, non vulgari humilitate contenta profundius se porrigit in Prelatos, qui salmone, lucio, ceterosq; pisces equipollenti generositate praesignes varijs decotionum cruciatos martyrijs baptizati adulterantes officium sacri piperis fonte baptizant: ut ex tali baptismate baptizati multiformem sapori gratiam consequantur. In eadem mensa terrestre animal piperis inundatione submergitur: piscis in pipere: avis eiusdem viscositate ligatur. Dumq; tot animalium genera, uno ventris ergastulantur in carcere, aquatile animal secum, pedestre aëreumq; genū in eodem sepulchro intumulari mirantur. Quibus si detur licentia exeundi, egressui vix porta sufficit amplitudo. Hinc plura crapulae pandenda sunt ostia; & vt Sueton. in Claud. Suetonius testatur, Claudio Cæsar conuiujs plus nimio deditus, vini cibique appetentissimus usque adeò fuit, vt saep stomachum vomitu cogeretur exonerare. De quantitate plura non dicam, cum medici testentur, immo ipsa experientia, cum Sacra Scriptura, ita se se farcire multos, vt non solum plenus venter non studeat libenter, seu, vt S. Hieronymus loquitur, pinguis venter non gignat sensum tenue, sapientiaque vino obumbretur; sed etiam in omnis generis morbos ebulliat; immo & paupertatem, & lites, & subitas mortes Neque enim è gula nascitur duntaxat hebetudo sensus, inepta latitia, ioci scurriles, multiloquium, & spurcidici sermones, imunditiaque corporis, sed alia quoque innumera mala, velut è lerna prodeunt; immo ipsa mors. Quidquid animal volat, quidquid piscium natat, quidquid ferarum discurrit, nostris sepelitur ventribus. quere nunc, cur subito moriamur? quia mortibus viuimus, ait Seneca. Et Cui va? ait Salomon, cuius patri va? cui rixa? cui fons? cui sine causa vulnera? cui suffusio oculorum? nonne his, qui commorantur in vino, student calicibus epotandis? Nam etsi pugnare scyphis Thracum est, & barbarorum, scyphi tamen ipsi, & animum & bilem accendent,

S. Ambros.
lib. de Helia
& iejun.

Alan. de cō-
planctu na-
ture.

Senec. 10.
Rhet. Prou.
23. 29.

Ecclesi. 19. 1. atque ex humanissimo quoque barbarum faciunt; quin & egen-
tem. *Operarius ebriosus non locupletabitur;* enim uero si locuples fue-
rit, ad incitas redigetur: quin & se ipsum occidit, qui nimium com-

Ecclesi. 37. 34. edit, vel babit. *Siquidem propter crapulam multi obierunt,* qui au-
S. Hieronym. tem abstinentes est, adiicit vitam. *Hippocrates,* ait S. Hieronymus, in
lib. 2. contr.
Iouinian. *Aphorismis docet, crassa & obesa corpora, qua crescendi mensuram com-
pleuerint, nisi citò ablatione sanguinis imminuantur, in paralyсин & pe-
sima morborum genera erumpere.* Et Galenus Hippocratis interpres, ath-
letas, quorum vita & ars sagina est, dicit in exhortatione medicina, nec
vinere posse diu, nec sanos esse: animasq; eorum ita nimio sanguine &
adipibus, quasi luto innolutas, nihil tenue, nihil cœlestē, sed semper de carni-
bus, & ructu, & ventris ingluvie cogitare. Valentinianus Imperator
Quadorum legationi respondens, voce impetu sanguinis amissa,
sensu integer expirauit. Quod ex intemperantia cibi ac saturitate,
qua artus diffuderat, accidisse, multi detulere, ut tradit Sextus Au-
relius Victor. Quo etiam teste, Septimius Seuerus Imperator, dum
membrorum omnium, maximè pedum dolorem pati nequiret, loco
veneni, cibum plurimæ carnis incoetæ audiuis deuorauit: quem-
dum concoquere non posset, cruditatem passus, expirauit. Quin
& Eusebius refert, Domitium Aphrum cibi superfluitate redundan-
tem, in cœna perijisse. Quod & Iouiniano Imperatori contigit.
Certè Gregorius Turonensis author est, Childericum Saxonem,

cum aliquando ad ambas aures usque cibo se ingurgitasasset, eo suffo-
catum, & in lecto mortuum repertum fuisse. Andebuntus Anglo-
rum rex quandoque tantum vini sumpsit, ut eo suffocatus repente
excesserit. Sed in vino tot perierte, ut numerum superent. Ante
tamen mens perit, quam corpus. Quod Poëta Claudianus his ver-
sibus indicauit.

**Claudian. in
laudib. Stili-
tonis, Paneg.
2.**

*Luxurias prædulce malum, qua dedita semper
Corporis arbitrijs hebetat caligine sensus,
Membraq; Circeis effeminat acrius herbis.
Blanda quidem vultu, sed qua non tetricor illa
Interius, fucata genas, & amicta dolosis
Illecebris, toruos auro circumlinxit hydros.
Illa voluptatum multos intexuit hamos.*

Quod & Seneca dixit monens: *Nullum hostem tam contumeliosum.*

esse in

esse in quenquam, quam in plerosque voluptates suas: qua cum hominem arripuerint, penitus submergunt, & subuertunt. Ad stipulatur & os aureum inquiens: *Quod equis accidere solet, id hominibus quibusdā, accidit, ut quo copiosus ipsis suppetunt necessaria, hoc euadant ferociores.* Et iterum: *Fumus abigit apes, dona vero spiritu alia fugat luxus;* quem Aegyptij hieroglyphicè porci simulachro expresserunt, semper deorsum in terram atque pastum inclinati. *Fames amica virginitati est, inimica lascivia,* ait S. Ambrosius, *Saturitas vero castitatem prodigat, nutrit illecebram.*

Nihil hinc mirum, gulones, ponderoso ventre depresso men-
tem non posse in cœlum & cœlestia extollere; citius saturitate mo-
ri, quam homines osseos longâ inedia, atque ieunijs assiduis ema-
ciatos. Illud mirissimum est, ieuniia meritos & æternam famem, à
ieunijs tantopere abhorre, semperque ingluuiem cogitare; ast
Dei seruos ambrosiâ alendos, & nectare dignos, ad prodigium vs-
que cibo potuque abstinere. Nimirum vt porcos ad macellum &
lanienam saginamus, venaticos autem canes, vt sint ad currendum
& prædam capiendam citationes, fame extenuamus; ita Orci pubu-
la sinit Deus pinguefieri, &, vt ignis habeat copiosius omentum, &
alimentum, ebrietas, teste S. Chrysostomo, *fues ex hominibus facit;*
in libro vitæ ascriptos patitur corpore toto extenuari, vt per angu-
stam portam minus impedite in cœlum possint penetrare, à qua,
cura adipe & omaso suo, nitidae cuticulae, & lati ventres excludun-
tur; *similes illi, qui,* vt ait S. Augustinus, *epulabatur quotidie splendide;*
ad cuius ianuam iacebat mendicus Lazarus cupiens saturari de micis, qua-
cadebant de mensa eius, & nemo illi dabant. Ut autem, teste S. Basilio,
ebrietas est demon voluntarius, malitia mater, virtutis inimica, & vt
S. Ambrosius addit, fomentum libidinis, incentuum insanit, venenum
insipientia; & ebriosi regnum Dei non possidebunt, sed ignis, & sulphur,
& spiritus procellarum, pars calicis eorum: ita abstinentia modestos,
placatos, sobrios, prudentes, virgines, angelos facit. Quin & in-
ter homines pacem concordiamque conseruat. *Cui va? cuius patri Prou. 23. 29.*
va? cui rixa? cui fœna? cui sine causa vulnera? Cui suffusio oculorum?
Nonne his, qui commorantur in vino, & student calicibus epotandis?
Qua de causa Heraclitus in seditione rogatus, vt apud populum
sententiam diceret, quo pacto ciuitas redigi posset in concordiam,

S. Chrysost.
hom. 2. de
ieiunio.
Pier. Valer,
lib. 9.

S. Ambros,
serm. 40.

v.
GVL A DEVS;
CVR INIMICOS
SVOS SINAT
PINGUESCEREP

S. Chrysost.
hom. 38. in
Matth.

S. Augustin.
serm. 232.
Luc. 16.

S. Basili, hom.

14.
S. Ambros.
c. 16. de Elia
& Ieiunio.
1. Cor. 6. 10.
Psal. 10. 6.

Erasm. lib. 8.
apoph. ex
Plutarcho.

O 3 conscen-